

**2023KO IRAILAREN 28AN UDALBATZA OSOAK EGINDAKO OHIKO
BATZARRALDIAREN AKTA.**

LEKUA: Beasaingo Udaletxea

ARETOA: Batzar Aretoa

EGUNA: Hogeita zortzia

HILABETEA: Iraila.

URTEA: Bi mila eta hogeitahiru

HASIERAKO ORDUA: Arratsaldeko seietan

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Hamazazpi (17)

UDALBURUA: LEIRE ARTOLA UGALDE

BILDUAK:

EAJ-PNV

- ADUR UGARTEMENDIA LEUNDA
- AINHOA ARRESE ARRATIBEL
- MARIOLA PASCUAL PAREDES
- EDORTA DIAZ DEL RIO
- MARIA ELENA RUIZ ZABALA
- MICHEL VENTUREIRA IRIZAR
- OLATZ ARRESE IMAZ
- AITOR ALDASORO ITURBE

BEASAINGO EH BILDU

- HASIER AGIRRE ELKOROBerezibar
- NEREA MANZISIDOR MENDIZABAL
- AITOR URDANGARIN IRASTORZA
- YOLANDA HERNANDEZ RODRIGUEZ
- IKER URTEAGA REBOLLAR

Socialistas Vascos-Euskal Sozialistak

- EVA ALVAREZ ATANES
- ANGEL REDONDO FERNANDEZ

ETORRI GABEA:

ELKARREKIN PODEMOS EZKER ANITZA / IU-ALIANZA VERDE

- WESLEY ARITZ CORSITTO AGIRRE

IDAZKARIA: ITZIAR AROZTEGUI APAOLAZA

Bileran ere parte hartu dute Lurdes Alegria Lasa Kontuhartzaileak eta Lurdes Auzmendi interpretariak.

1.- AURREKO AKTA. 2023ko uztailaren 20ko aktaren onespena.

Ezagutzera eman ondoren 2023ko uztailaren 20ko akta, aho batez onartu da berarekiko zer esanik ez dagoelako.

2.- ANTOLAKUNTZA BATZORDEKO PROPOSAMENAK:

KREDITU ALDAKETA. 10. KREDITU GEHIGARRIEN ESPEDIENTEA ETA DIRULAGUNTZEN ERANSKINAREN ALDAKETA. 2023CRAD0010

Ezagutzera eman da Alkatearen proposamena, Antolakuntza batzordeak ontzat emandakoa:

"GAIA.- Kreditu Aldaketa. 10. Kreditu Gehigarrien Espedientea eta Dirulaguntzen eranskinaren aldaketa.

Honekin batera doan proposamenean zerrendatutako gastua egin beharra izanik eta hau finantzatzeko aurrekontu krediturik ez dagoela kontutan hartuz, Alkatetza honek Udalbatzari ondorengo Akordio Proposamena egiten dio:

1.- Kreditu gehikuntzen bidez 3.886.058,07 euroko zenbatekoaz eta eranskinean zehazten den moduan finantzatzen den kreditu aldaketa hasiera batean onartzea, eta kapituluka honela laburtzen dena:

GASTUEN GEHIKUNTZA

Kap.	Izena	Euro
4	Transferentzia arruntak	20.942,95
6	Inbertsio errealak	3.865.115,12
GASTUEN GEHIKUNTZA / INCREMENTO GASTO		3.886.058,07

SARRERAK

Kap.	Izena	Euro
8	Finantza aktiboak	3.886.058,07
FINANTZIAZIOA		3.886.058,07

2.- Dirulaguntzen eranskinaren aldaketa hasiera batean onartzea, bertan espediente honen helburu ondorengo partidak gehituz: : 0110.470.420.00.01 Goieki kuota, 0261.481.341.00.30 Arrastaka mendi taldea: teknifikazio jarduerak eta 0380.421.419.00.01 Enirio-Aralar Mankomunitatea.

3.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da."

Kreditu gehigarri horiek finantzatzeko proposamena ondorengo da:

Sarreraren kontzeptuak	Baliabidearen kontzeptua	Sarrera handiagoak
870.01	<i>Gastu orokorretarako diruzaintzako gerakina</i>	3.886.058,07
GASTUEN GEHIKUNTZAK GUZTIRA		3.886.058,07

Hitz egiteko txanda eman ondoren bildutakoek proposamenarekiko iritzi hauek azaldu dituzte:

Eva Alvarez Atanes andreak (Socialistas Vascos-Euskal Sozialistak): “Es repetir lo de siempre. Cuando en el presupuesto se recoge una partida de 50.000 € para un proyecto que sabemos que va a costar más, lo que hace es restar veracidad al presupuesto, pero son gastos que hay que asumir, luego estamos de acuerdo.”

Hasier Agirre Elkoroberezibar jaunak (Beasaingo EH Bildu): “Gu ere ildo beretik. Onartzea proposatzen den kontzeptuekin ados egon bagaitezke ere, behin eta berriz salatu dugun kudeatzeko moduarekin jarraitzea da. Oraingoan gainera zenbaki potolotzat ari gara. Kontuhartzaileak ere azaldu zituen hiru txertaketa egiteko egon daitezken arazoak. Uste dugu badaudela beste modu batzuk aurrekontu erreala goak egiteko. Aurrekontuetan ikusi ditugu hainbat partida ez direnak gauzatu: lokalak erostea, kiroldegiko taberna, etab. Askotan argitaratzen ditugu hainbat nahi betetzen ez direnak. Aurre-lan hobeagoa egitea badago. Momentu puntualetarako formula hauek erabat naturalizatuta daude eta ez legoke horrela behar. Beraz, abstenitu egingo gara.”

Alkate andreak (EAJ-PNV): “Gu ere ildo beretik esan, gure irizpidea izaten dela aurrera eraman nahi ditugun egitasmo horiek aurrekontuan isla izan dezan partida bat irekitzea nahiz eta batzuetan eta askotan jakitun izan exekuziorako ez dela nahikoa izango, baina gerakina erabiliez baliatu gaitezke proiektu horiek aurrera eramateko. Formakuntza jaso genuen Antolakuntza batzordean eta ikusi zen bidezko tresnak direla. Aipatu dituzun bi partida horiei buruz esan, gure asmoen artean lokal bat erostea egon zela erakusketa areto bat egiteko. Herrian aztertu ondoren zein aukera dagoen, behar bada horretarako behar diren baldintzekin ez dago lokalik eskura gain. Hori izan zen partida horren oinarria. Beste partida, kiroldegiko taberna lizitatu zen eta hutsik geratu zen bere garaian proiektuan aurreikusitako prezioak igo egin zirelako. Hori dela eta udal gobernu honek pentsatu zuen garai hartan ez zela egoerarik onena %30eko hazkuntzarekin lizitazioa berriro martxan jartzea. Proiektu hori aurrera eramateko asmoa dugu baina momentu egokiaren zain gaude.”

Hasier Agirre Elkoroberezibar jaunak (Beasaingo EH Bildu): “Bi adibide horiek jarri direnean ez da izan jakiteko horiek egin behar diren ala ez, baizik eta guri eta herritarrei aurrekontuak aurkezterakoan iragartzen diren hainbat ekintza gero gauzatzen ez direla esaten dugu. Uste dugu planifikazioan zer hobetzekoa badagoela. Hemendik bi hilabetea aurrekontua onartuko dugu eta komunikabideetan argitaratuko da hainbat gauza egin behar direla eta gero gertatuko da batzuk bidean geratzea.”

Alkate andreak (EAJ-PNV): “Planifikazioari buruz esan, askotan aurrera eraman nahi ditugun hainbat egitasmo ez direla beti ere posible izaten. Gertatzen dena da proiektu batean sinesten dugula eta horren isla aurrekontua izaten da. Orokorrean, horrelakorik gertatu badaiteke ere,

txertatzen diren partidak aurrera eramaten dira eta lehenago edo beranduago exekutatu egiten dira.”

Bozketa eginda, ondorengo emaitza lortu da:

Aldeko botoak: 11 (EAJ-PNV, Sozialistas Vascos-Euskal Sozialistak)

Aurkako botoak: 0

Abstentzioak: 5 (Beasaingo EH Bildu)

Etorri gabea: 1 (ELKARREKIN PODEMOS EZKER ANITZA / IU-ALIANZA VERDE)

Horren ondorioz, gehiengo osoarekin onartu da proposamena.

3.- HERRITARRAK BATZORDEKO PROPOSAMENAK:

a.- DIRULAGUNTZAK EMATEKO OINARRIAK:

- BEASAINGO UDALERRIAN GIZARTE ARLOAN LAN EGITEN DUTEN ELKARTEEI DIRULAGUNTZA EMATEKO OINARRI ARAUTZAILEAK. 2024. URTEA. 2023GAED0013

Ezagutzera eman da Herritarrak batzordeko proposamena, hau da:

“

AURREKARIAK

I.- Beasaingo Udala beti aritu da elkarlanean gizarte arloan lanean diharduten herriko elkarteekin eta horretarako urtez-urte bere aurrekontuetan erakundeei diruz laguntzeko partida kontsignatu du, horretarako oinarri hauek prestatu dira.

II.- 2023-08-25: Gizarte Ongizate azpisaileko arduradun teknikoak egindako txostena.

III.- Aurrekontu-esleipena: Beasaingo udalerrian gizarte-arloan jarduten elkarteak diruz laguntzeko 2024. urterako aurreikusitako aurrekontua 95.000 eurokoa da.

Aurretizko izapidetzea da, eta 887/2006 RGSren 56. Artikuluan jasota, deialdiaren ebazpena oinarri hauek onartu eta argitaratu eta hurrengo ekitaldian emango baita; eta hori gertatzen da normalean kreditu egokia eta nahikoa dagoelako gastuaren aurrekontu-estaldurarako.

Adierazitako zenbatekoa zenbatetsia da, eta, beraz, dirulaguntzak emateko, kreditu egokia eta nahikoa egon behar da, dirulaguntza emateko ebazpena ematen den unean.

”

LEGERI APLIKAGARRIA

-2/2016 Legea, apirilaren 7koa, Euskadiko Toki Erakundeei buruzkoa. Udalerrien eskumen propioak, 17. Artikulua 10) eta 14).

-Diru-laguntzei buruzko azaroaren 17ko 38/2003 Lege Orokorra.

-Uztailaren 21eko 887/2006 Errege Dekretuak onartutako Diru-laguntzen Erregelamendu Orokorra.

-Diru-laguntzak arautzen dituen udal-araua.

-Beasaingo Udalaren Dirulaguntzen Plan Estrategikoa 2023-2025.

PROPOSAMENA:

Herritarrak batzordeak Osoko Bilkurari ondorengo erabaki proposamena egiten dio:

Lehenik: *Beasaingo udalerrian gizarte arloan lan egiten duten elkarteei dirulaguntza emateko oinarriak onartzea. 2024. urtea.*

Bigarrenik: *Deialdia egitea, oinarriak argitaratuz."*

Hitz egiteko txanda eman ondoren, bildutakoek proposamenarekiko adostasuna azaldu dute.

Horren ondorioz, bozketa egin da eta ondorengo oinarriak onartu dira:

BEASAINGO UDALERRIAN GIZARTE ARLOAN LAN EGITEN DUTEN ELKARTEEI
DIRULAGUNTZA EMATEKO OINARRI ARAUTZAILEAK. 2024. URTEA.

ZIOEN AZALPENA

Euskadiko Toki Erakundeei buruzko apirilaren 7ko 2/2016 Legeak, 17,1 artikuluan, udalerriaren eskumen propio gisa aurreikusten du:

- 10) Osasun publikoa sustatzea, kudeatzea, defendatzea eta babestea.
- 14) Diru-sarreraren bermea eta gizarteratzea antolatzea, programatzea eta kudeatzea

Horretan oinarrituta, Udalaren helburua da zaurgarritasun egoeran (mendekotasun/desgaitasun egoeran, babesgabetasun arriskuan eta gizarte bazterketako egoeran) dauden kolektiboen beharrei aurre egiten eta arazo espezifikoak konpontzen lagunduko duten ekintzak sustatzea, bai eta elkartasuna sustatzeko sentsibilizazio-ekintzak sustatzea ere. Zehazki, helburu hauek dituzten jarduerak:

- Elkarte-bizitza bultzatzea.
- Herritarren arteko elkartasuna sustatzea.
- Beasaingo herritarren ongizatean laguntzea.

Horretarako, dirulaguntzak emateko oinarri hauek prestatu dira, eta aurrerago adieraziko dira, honako hauek kontuan hartuta:

-Dirulaguntzei buruzko 38/2003 Lege Orokorra eta hura garatzen duen erregelamendua, 887/2006 Errege dekretuaren bidez onartua.

-Dirulaguntzak arautzen dituen Udal Ordenantza (2018/06/14GAO).

-Beasaingo udaleko dirulaguntzen Plan estrategikoa 2023-2025 (1. Helburu estrategikoa: gizarte-ekintza sustatzea: 1.4: gizarte-lankidetzak eta garapenerako laguntza).

Egiaztatu da 2023 ekitaldirako egindako deialdiarekin:

-Aurrez aipatutako helburuak lortzen lagundun dela

-Beasaingo Udaleko gizarte zerbitzuekin lan egiten duten herriko elkartearen sarea finkatu dela.

1.- XEDEA

Oinarri hauen xedea da Beasainen jarduten duten eta arreta egoitza/lokal iraunkorra Beasainen duten elkarteentzako laguntzak arautzea, gizarte-arloko jarduerak edo/eta programak garatzeko eta elkartearen funtzionamendu-gastu arruntentzat.

2.- AURREKONTUA

Hurrengo oinarrietan ezarritako laguntzak finantzatzeko aurreikusitako aurrekontua 95.000 €-koa da.

Aurretiazko izapidetzea da, eta 887/2006 RGSren 56. Artikuluan jasota, deialdiaren ebazpena oinarri hauek onartu eta argitaratu eta hurrengo ekitaldian emango baita; eta hori gertatzen da normalean kreditu egokia eta nahikoa dagoelako gastuaren aurrekontu-estaldurarako.

Adierazitako zenbatekoa zenbatetsia da, eta, beraz, dirulaguntzak emateko, kreditu egokia eta nahikoa egon behar da, dirulaguntza emateko ebazpena ematen den unean.

Dirulaguntza jaso dezakete (6):

- a) Eremu soziosanitarioko proiektuak: 3.857,14 €
- b) Gizarte-bazterkeriako arriskuan dauden pertsonentzako proiektuak: 11.571,42€
- c) Desgaitasuna duten pertsonentzako proiektuak: 6.857,14€
- d) Elkartasuna sustatzeko sentsibilizazio-ekintzetara zuzendutako proiektuak: 3.857,14€
- e) Pertsona jubilatuei eta adinekoei zuzendutako proiektuak: 68.857,14€
 - Arreta eta laguntza: 3.857,14€
 - Pertsonak elkartzea eta gizarte-jarduerak partekatzea: 65.000€

Aurkeztutako eskabideak aztertu ondoren ez bada agortzen adierazitako xede bakoitzari esleitutako gehieneko zenbatekoa, aplikatu gabeko zenbatekoa gainerakoetara eraman ahal izango da.

3.- ERAKUNDE ONURADUNAK

Oinarri hauetan ezarritako dirulaguntzak eskatu ahal izango dituzte nortasun juridikoa duten eta irabazi-asmorik ez duten erakundeek (elkarteek), baldin eta udalerrian lan egiten badute eta arreta egoitza/lokal iraunkorra Beasainen badute edo udalerriko erakunde batekin lankidetzan aritzea programa era garatzeko eta gauzatzeko.

Erakunde horiek egunean izan beharko dituzte Gizarte Segurantzarekiko eta Udal eta Foru Ogasunarekiko betebeharrak.

4.- DIRUZ LAGUNDU DAITEZKEEN GASTUAK

4.1-Beasainen beasaindarren interes orokorrak edo sektorialak defendatzeko garatzen diren gizarte arloko jarduera edo programak.

4.2-Entitatearen funtzionamendu-gastu arruntak (hornidurak, materialak,...):

Gizarte arloko jarduera edo programatzat hauek hartuko dira:

- Zaurgarritasun egoeran dauden (mendekotasuna/desgaitasuna, bazterkeria, immigrazioa eta adineko pertsonak) kolektiboen beharrak arintzen eta arazo espezifikoak konpontzen laguntzen duten ekintzak.
- Elkartasuna sustatzeko sentsibilizazio-ekintzak.

Programatutako jardueretan euskararen erabilera sustatuko da eta kontuan hartuko dira Emakumeen eta Gizonen Berdintasunerako otsailaren 18ko 4/2005 Legean eta lege hori aldatzen duen otsailaren 16ko 3/2012 Legean araututako berdintasun-irizpideak.

5.-HAUTAKETARAKO IRIZPIDEAK

Proiektuak behar bezala baloratzeko ondorengo hautaketa irizpideak egiaztatzen duten agiri guztiak aurkeztu beharko dira.

Gehieneko puntuazioa 100 puntukoa da.

Gutxienez 30 puntu lortzen dituzten proiektuek soilik jaso ahal izango dute dirulaguntza baldin eta helburu hauek badituzte:

- Zaurgarritasun-egoeran dauden pertsonen zuzentzea (mendekotasuna/desgaitasuna, bazterkeria, immigrazioa eta adineko pertsonak).
- Elkartasuna sustatzea, herritarrei oro har zuzenduta.

Elkarte eskatzaile bakoitzak proiektu bakarra aurkeztu ahal izango du.

Banaketa- eta puntuazio-irizpideak:

1. Ordezkaritza, hau da, elkarteari atxikitutako Beasaingo bazkide edo/eta pertsona boluntarioen kopurua.

(Bazkide edo boluntarioen erregistroa, kuoten ordainketa zerrenda edo elkarteak kopuru hori egiaztatzeko duen beste edozein agiri aurkeztea beharrezkoa izango da)

- 1etik 10ra: 5 puntu
- 11tik 20ra: 10 puntu
- 21etik 30era: 15 puntu

- 30etik 40ra: 20 puntu
- 40 baino gehiago: 30 puntu

2. Dirulaguntzaren xede den jardueraren edo programaren helburuek herritarrengan duten interes- edo baliagarritasun-maila:

2.1.-Jardueren aldizkakotasuna

(Beharrezkoa da aldizkakotasuna agirien bidez justifikatzea: argazkiak, kartelak, prentsa-oharrak, web-orriaren informazioa, etab.)

- Egunero: 25 puntu
- Astero: 20 puntu
- Hilabetero: 15 puntu
- Bi hilean behin: 10 puntu
- Hiru hilean behin: 5 puntu
- Maiztasun gutxiagorekin: 0 puntu

2.2.-Udalerriko beste elkarte batzuekin lankidetzak

(Udalerriko beste erakunde batzuekin lankidetzak-hitzaurreak aurkeztea edo erakunde laguntzaileen zintzuek aitorpena aurkeztea beharrezkoa izango da)

- Elkarte batekin: 2 puntu
- Bi elkarteekin: 5 puntu
- Hiru elkarteekin: 10 puntu
- Hiru elkarte baino gehiagorekin: 15 puntu

3. Gaitasun ekonomiko autonomia eta beste erakunde publiko edo pribatu batzuetatik jasotzen dituzten laguntzak.

3.1- Bakarrik Beasaingo Udalari dirulaguntza eskatu zaion proiektua (10 puntu)

3.2- Bakarrik Beasaingo Udalari dirulaguntza eskatu zaion eta erakunde eskatzaile berak kofinantzatutako proiektua (15 puntu).

3.3- Beasaingo Udalari dirulaguntza eskatu zaion proiektua eta beste erakunde publiko edo/eta pribatuekin batera kofinantzatutako proiektua (20 puntu).

4. Onuradunak

- 4.1- Elkarteko bazkideek bakarrik (2 puntu).
- 4.2- Sektore edo kolektibo espezifikoak (5 puntu).
- 4.3- Udalerriko biztanleria, oro har (10 puntu).

Xede bakoitzeko, honela finkatuko da eman beharreko dirulaguntza:

- 1.-Aurkeztutako proiektuak baloratu; dagokien puntuazioa ematen zaie.
- 2.-Aurkeztutako proiektu guztiek lortutako puntuen batuketarekin zatitzen da aurrekontua, eta horrekin puntu bakoitzeko prezioa lortzen da.

3.-Puntuko prezio hori proiektu bakoitzak lortutako puntuekin biderkatzen da. Eskaera bakoitzari dagokion laguntza ekonomikoa izango da emaitza, baina inoiz ez da izango eskatutako zenbatekoa baino handiagoa.

Laguntzak eskatzen dituzten erakunde berriei dagokienez, hau da, oinarri hauek onartzen diren egunetik 2 urte baino gutxiagoko antzinatasuna dutenei dagokienez, dirulaguntza lortzeko ez da beharrezkoa izango aurkeztutako proiektuak ezarritako 30 puntuko muga lortzea.

6.- ESKAERAK. AGIRIAK

Eskaerak Udaletxean aurkeztu behar dira, honako agiri hauekin batera:

-Eskaerari dagokion inprimaki ofiziala, erakunde sinatzailearen ordezkari izateko legezko gaitasuna duen pertsonak sinatua.
(I eranskina)

-Laguntzea eskatzen den ekintza edo programari buruzko txosten zehatza.

-Dirulaguntza eskatzen den proiektu, jarduera edo programa espezifikoaren gastu eta diru-sarreraren aurrekontua. (II eranskina)

-Hautaketa-irizpideak baloratzeko dokumentuak (Bazkide edo boluntario erregistroa, kuoten ordainketa zerrenda, argazkiak, kartelak, prentsa-oharrak, web-orriaren informazioa, udalerriko beste erakunde batzuekin lankidetzat-hitzarmenak, erakunde laguntzaileen zinpeko aitortpena...).

-Erakunde eskatzailearen IFKren kopia.

-Erakunde eskatzailearen estatutuak. Estatutuak, diru-laguntza lehenengo aldiz eskatzen duten erakundeek eta estatutuetan aldaketaren bat egin duten erakundeek bakarrik aurkeztu beharko dituzte.

-Sinatzailea erakunde eskatzailearen ordezkari dela egiaztatzen duen agiria.

7.- DOKUMENTAZIO ELKARRERAGILEA ETA EGIAZTAGARRIA.

1. Urriaren 1eko 39/2015 Legeak, Administrazio Publikoen Administrazio Prozedura Erkidearenak, 28. artikuluan aitortzen du herritarrek eskubidea dutela dagoeneko administrazio jardulearen esku dauden edo beste edozein administraziok egin dituen dokumentuak ez aurkezteko; horrela, administrazio jarduleak dokumentu horiek kontsultatu edo eskatu ahal izango ditu, salbu eta interesdunak horren aurka egiten badu. Administrazio publikoek elektronikoki bildu behar dituzte dokumentuak, beren sare korporatiboen bidez edo datuen bitartekaritza-plataformei edo horretarako gaitutako beste sistema batzuei kontsulta eginez.

2. Beasaingo Udala Euskadi Nisae-ko administrazioen elkarreragingarritasun- eta segurtasun-korapiloaren parte da. Plataforma hori komuna da euskal sektore publikoko administrazio eta erakunde guztientzat, eta datu elektronikoen trukea haien artean eta gainerako administrazioekin ezartzeko nodo autonomiko gisa. Horrez gain, Beasaingo Udalak foru sare korporatiboko aplikazioak edo dokumentuak egiaztatzeko eta lortzeko aukera ematen duten beste sistema batzuk erabiliko ditu.

3. Deialdi honetan, plataforma korporatiboen, bitartekaritza-plataformen (Nisae) edo sarbide publikoko plataformen bidez egiaztatuko diren betekizunak honako hauek izango dira:

a) Gipuzkoako Foru Aldundia: Foru Ogasunarekiko zerga-betebeharrak egunean izatea.

b) Gizarte Segurantzaren Diruzaintza Orokorra: Gizarte Segurantzarekiko zerga-betebeharrak egunean izatea.

4. Eskatzailea egiaztapen horren aurka badago, berak aurkeztu beharko du dokumentazioa.

5. . Udalak egiaztatzen badu eskatzaileak aurkeztutako dokumentazioa osatu gabe edo nahikoa ez dela, 10 egun balioduneko epea emango dio eskatzaileari ez-betetzea edo akatsa zuzentzeko; epe horretan zuzenketarik egin ez bada, eskabidea artxibatu egingo da, beste izapiderik gabe.

8.- ESKAERAK AURKEZTEKO EPEA

Oinarriak BDNSra bidaliko dira, eta GAOn argitaratu eta hurrengo egunetik aurrera, eskabideak aurkezteko epea zenbatzen hasiko da 2023-12-15 arte.

Eskaerak, telematikoki aurkeztu beharko dira Beasaingo Udalaren www.beasain.eus helbidean.

9.- PROPOSAMENAK EGIN ETA EBAZTEA.

Gizarte Ongizate Azpisaila arduratuko da aurkeztutako dokumentazioa aztertzeaz. Horretarako, Balorazio Batzordeak txosten teknikoa egingo du jasotako eskaerez eta proposamena egingo dio Alkateari, hark ebatz dezan.

Honako hauek izango dira Balorazio Batzordeko kideak:

-Gizarte Ongizate Azpisaileko arduradun teknikoa.

-Gizarte Ongizate Azpisaileko 2 teknikari.

10.- DIRULAGUNTZEN BATERAGARRITASUNA

Oinarri hauetan zehaztutako dirulaguntzak bateragarriak izango dira beste erakundeek emandako laguntzekin. Kasu horretan Udalari jakinarazi beharko zaio. Hala ere, ezin daiteke inolaz ere gain finantzazio kasurik izan; hau da, beste entitateekin batera dirulaguntza moduan emandako kopurua ezin da gastuaren balioa baino handiagoa izan.

11.- UDAL ZORRAREN KONPENTSAZIOA

Laguntzaren onuraduna Udal Ogasunekiko zordun denean eta zorra mugaeguna igarotako zor garbi eskagarria denean, Udalak konpentsatu egingo du zor zaiona.

12.- ERAKUNDE ESKATZAILEARI JAKINARAZTEKO EPEA

Alkatetzak hartutako ebazpena behar bezala jakinaraziko zaio dirulaguntzaren eskatzaileari, eskabideak aurkezteko epea amaitu eta gehienez ere 2 hilabeteko epean.

13.- ORDAINTZEKO MODUA

Dirulaguntza honela ordainduko da:

- Emandako dirulaguntzaren % 90, ebazpenaren datatik bi hilabetera.
- Emandako dirulaguntzaren % 10, bi hilabeteko epean, aurkeztutako proiektu osoa justifikatu ondoren.

14.- DIRULAGUNTZA EGIAZTATZEA

Dirulaguntza zuritzeko garaian kontuan hartu beharreko kopurua aurkeztutako proiektu osoarena izango da.

Erakunde onuradunek ondoren aipatzen diren agiriak aurkeztu beharko dizkiote Udalari:

A) Burututako programari edo jarduerari buruzko memoria xehea. (III. eranskina) .

1. Egindako jarduerak eta egutegia.
2. Dirulaguntzaren xede den programa gauzatu dela egiaztatzen duen dokumentazioa (argazkiak, kartelak, programak...)
3. Artatutako Beasaindar pertsonen kopurua (emakumezkoak, gizonezkoak), ekintza bakoitzeko.

B) Justifikazio-kontu sinplifikatua: jardueran izandako gastu eta inbertsioen zerrenda xehatua hartzekoduna eta agiria, zenbatekoa, egite data eta, hala badagokio, ordainketa data adieraziz. . Dirulaguntza aurrekontu zenbatetsiaren arabera ematen bada, gertatutako desbideratzeak adieraziko dira (III.eranskina).

Dirulaguntza ematen duen organoak, egokitzen jotzen dituen laginketa-tekniken bidez (diru-laguntzaren zenbatekoaren % 40 osatzen duten fakturak eta 400 €-tik gorako 5 faktura), egiaztatutako ditu justifikaziorako egoki deritzan agiriak eta dirulaguntza behar bezala erabili dela. Horretarako, onuradunari eskatu diezaiotke berak hautatutako gastu frogagiriak bidaltzeko.

Diruz lagundutako jardueretan kantitate txikiko gastuetan faktura osoak aurkezteko zailtasunak daudenean, faktura sinplifikatuak (tiketa) onartu daitezke hauekin batera elkartearen aitorpena aurkeztuz jarduerarekin loturiko gastuak direla eta betik ere fakturatzeko betebeharra arautzen duen Erregelamendua, azaroaren 30eko 1619/2012 Errege Dekretuak jarraituz. (IV. Eranskina)

C) Lortutako dirulaguntza, laguntza, diru-sarrera edo baliabideek finantzatzekoak ziren jardueren kostuak ez dituztela gainditzen adierazten duen erantzukizuneko aitorpena. (IV.eranskina).

D) Helburu berdinerako beste laguntzarik jaso ez izanaren ziurtagiria, edota bestela, adierazi bereziki zer laguntza jaso diren. (IV. Eranskina).

E) Hala badagokio, aplikatu gabeko gerakinen kasuan, itzultzeko ordainketa-gutuna eta horien ondoriozko interesak.

15- EGIAZTATZEKO EPEA

Aurreko artikuluan eskatutako agiriak, 2025eko urtarrilaren 31rako aurkeztu beharko dira.

16- BETEBEHARRAK EZ BETETZEA

Oinarri hauetan aurreikusitako betebeharretakoren bat ez betetzeak erabakia berrikustea ekarriko du eta hala behar izanez gero, emandako dirulaguntza deuseztatzea, gutxitzea edo itzularaztea.

17- DATU BABESA

Eskatzaileen datuen tratamendua abenduaren 5eko 3/2018 Lege Organikoaren arabera izango da.

18- APLIKATUKO DEN ARAUDIA

Deialdi honetan aurreikusten ez den orotarako 39/2015 Legea, urriaren 1ekoa, Administrazio Publikoen Administrazio prozedura Erkidearena aplikatuko da.

19- EBAZPENA ETA HELEGITEAK

Deialdi honek administrazio-izaera dauka, eta, horrenbestez, Udalak du ahalmena hala hori lehenik interpretatzeko nola haren aplikazioan eta ebazpenean sor daitezkeen gorabehera oro ebazteko.

Honako oinarri hauen aurka berraztertze errekurtsoa aurkez daiteke, hilabeteko epean, deialdia onartu duen organo eskudunaren aurrean; bestela, zuzenean kontra egin daiteke bi hilabeteren buruan Administrazioarekiko Auzi Epaitegiaren aurrean.

Aipatu epeak oinarri hauek argitaratu eta hurrengo egunetik hasiko dira zenba tzen bi kasuetan.

2025 URTEKO UDAL EGUTEGIA ERATZEKO ARGAZKI LEHIAKETAREN OINARRIAK. 2023OIKU0003

Ezagutzera eman da, Herritarrak batzordeko proposamena, hau da:

“

AURREKARIAK:

1.- Ez da erraza zehaztea, Beasaingo Udalak, noiztik Euskara hutsean Udal egutegia eratzen duen. Hasiera batean beste Udal batzuekin elkarlanean egiten zuen eta geroago, 1996 urte inguruan, bakarrik egiten bukatu zuen.

2.- 2019. urtetik Beasaingo Udalak Argazki Lehiaketa antolatzen du bai azalerako irudia eta baita ere hilabete bakoitzerako erabiliko diren argazkiak aukeratzeko.

3.- 2025eko egutegiaren gaia eta, beraz, lehiaketaren gaia Beasaingo auzoak da.

4.- Jasotako argazkietatik hamabi (hilabete bakoitzeko bat) aukeratuko dira 2025 urtean Beasaingo Udalak argitaratuko duen egutegian erabiltzeko eta hamahirugarrena azalerako. Hamahiru argazki hauek 60na euroko saria jasoko dute.

5.- 780, 00 € ematen ditu Beasaingo Udalak saritan.

6.- Beasaingo Udalak saritutako lanekin 2025ko egutegia eratuko du. Gainera saritutako argazkiekin eta epaimahaiak aukeratutako beste argazkiekin batera argazki erakusketa egingo du, baldin eta kalitate nahikoa duten gutxienezko lanak badaude.

7.- Egutegia herritarrei doan eskainiko zaie.

Ondorengoa kontuan hartuta:

LEGERIA APLIKARRIA

- 2016/679 (EB) Erregelamendu Orokorreko eta Datu Pertsonalak Babesteari eta abenduaren 5eko 3/2018 Lege Organikoa.
- DBEOaren 6.1.a.artikulua.
- 3/2018 Lege Organikoa
- 1/1982 Lege Organikoaren, maiatzaren 5ekoa.

PROPOSAMENA:

Herritarrek batzordeak Osoko Bilkurari ondorengo erabaki proposamena egiten dio:

Lehenik: 2025 urteko Udal egutegia eratzeko Argazki Lehiaketaren oinarriak onartzea.

Bigarrenik: Boletinean gain, Sare sozialetan eta Beasaingo Udaleko web orrian oinarri hauek argitaratzea.”

Hitz egiteko txanda eman ondoren bildutakoek proposamenarekiko adostasuna azaldu dute.

Bozketa eginda, aho batez ondorengo oinarriak onartu dira:

2025 urteko Udal egutegia eratzeko Argazki Lehiaketaren oinarriak

Gaia: Beasaingo auzoak

ZIOEN AZALPENA

Euskadiko Toki Erakundeei buruzko apirilaren 7ko 2/2016 Legeak, 17,1 artikuluan, udalerriaren berezko eskumen gisa aurreikusten ditu:

20) Kultura eta kultura-jarduerak antolatzea eta sustatzea, eta erabilera publikoko kultura-ekipamenduak kudeatzea

Beasaingo Udalak, ohikoa den bezala, urteko egutegia euskara hutsean eskaini nahi die herritarrei eta gertukoei. Egutegia eratzeko, Udalak, argazki lehiaketa antolatzen du bai azalerako irudia eta baita ere hilabete bakoitzerako erabiliko diren argazkiak aukeratzeko.

Herri guneaz gain, Beasain hainbat auzo dituen herria da. Horiei guztiei omenalditxo bat egin nahi die 2025eko Udal egutegiak. Hori dela eta, Beasaingo auzoak argazkitan erakutsi nahi dira. Ezaugarri eta fisionomia ezberdinak dituzten auzoak dira, batzuk landa eremukoak, beste batzuk hiritarragoak, bakoitza bere jaiekin berezitasunekin eta nortasunarekin.

Auzoen izaera islatzen duten argazkiak jasotzea da helburua: bertako jendea izan daiteke, bertako jaiak, bideak, ingurune naturalak, eraikinak edo kamerak erakutsi nahi diguna.

Hori bai, ezinbestekoa da argazkian Beasaingo zein auzo den ondo ikusaraztea. Horretarako, dirulaguntzak emateko oinarri hauek prestatu dira, honako hauek kontuan hartuta:

- Dirulaguntzei buruzko 38/2003 Lege Orokorra eta hura garatzen duen erregelamendua, 887/2006 Errege Dekretuaren bidez onartua.
- Dirulaguntzak arautzen dituen Udal Ordenantza (GAO, 2018/06/14).
- Beasaingo Udalaren 2023-2025eko dirulaguntzen plan estrategikoa (2. helburu estrategikoa: udalerriko kultura-jarduera sustatzea. 2.2 ildoak: kultur sorkuntzaren sustapena).

2023rako deialdirako eskabideak aurkezteko epea irailaren 30ean amaitzen da, eta, horregatik, 2022rako egindako deialdia aipatzen da, aurkeztutako eskabideak kontuan hartuta:

- Herritarrek udal-ekimen honetan parte hartzeko duten interesa.
- Horrek Udalak urteko egutegia egin ahal izateko egiten duen ekarpena.
- Beasaindarren artean egutegi horrek duen harrera ona, Beasaingo herriarekin lotura estua baitu.

LEHENA. XEDEA

Oinarri hauen helburua da argazki lehiaketa bat antolatzea, 2025eko egutegian 13 argazki sartzeko. Epaimahaiak hautatutako argazkiak sarituko dira, horiek arautzen direnarekin bat etorritik.

BIGARRENA. AURREKONTUA

Hurrengo oinarrietan ezarritako laguntzak finantzatzeko aurreikusitako aurrekontua 780,00 €-koa da, eta normalean 0240.480.334.20.03 aurrekontu-partidan aurreikusita egoten da.

Aurretiazko izapidetzea da, eta 887/2006 RGSren 56. artikulua, deialdiaren ebazpena oinarri hauek onartu eta argitaratu eta hurrengo ekitaldian egingo baita, eta hori gertatzen da normalean gastuaren aurrekontu-estaldurarako kreditu egokia eta nahikoa dagoelako.

Adierazitako zenbatekoa zenbatetsia da, eta, beraz, dirulaguntzak emateko, kreditu egokia eta nahikoa egon behar da, dirulaguntza emateko ebazpena ematen den unean.

HIRUGARRENA. PROZEDURA

Sariak emateko prozedura norgehiagokakoa da, epaimahaiak ebaluatuko dituen eskabideek bat egin dezaten.

LAUGARRENA. PARTEHARTZEKO BALDINTZA OROKORRAK

- Parte hartu nahi duen ororentzat irekia.
- Ezinbestekoa da argazkiak Beasaingo udalerrian ateratakoak izatea edota gunea Beasain dela argazkian bertan argi ikusaraztea.
- Argazkiak gaur egungoak edo aspaldikoak izan daitezke.

- Egileak ezin izango du erabili saritutako argazkia honen berri jakinarazten zaionetik saria jaso arte.
- Modalitatea: zuri beltzean naiz koloretan, berdin da.
- Lanak: Gehienez 4 lan egile bakoitzeko. Aldez aurretik argitaratu gabekoak edota beste lehiaketetan saritu gabekoak.
- Emate formatua: argazkiek formatu etzana izango dute. Irudiak JPG formatuan egon behar dira, 2500px alde zabalena, 250 ppp eta RGB kolore espazioan. Fitxategiak ezin ditu 6 Mega pasa.

Honako hauek ezin izango dira sari hauen onuradun izan:

- Lege honetako 2. artikuluan aurreikusitako egoeraren batean dauden pertsonak. Dirulaguntzei buruzko azaroaren 17ko 38/2003 Lege Orokorraren 13.2 artikulua (2003ko azaroaren 18ko BOE).

- Beasaingo Udalarekin hartutako zorrak premiamendu bidez kobratzeko prozeduretan sartuta dauden partikularrak, ezta Udalarekiko zerga-betebeharrak egunean ez dituztenak ere, harik eta zor horiek benetan ordaindu eta kitatu edo bete arte, salbu eta zor horiek geroratuta, zatikatuta edo betearazpena etenda dagoenean.

- Zigor- edo administrazio-arloan dirulaguntza edo laguntza publikoak lortzeko aukera galtzearekin zigortuak izan direnak, edo horretarako ezgaitzen dituen legezko debekuren baten eraginpean daudenak, Emakumeen eta Gizonen Berdintasunerako otsailaren 18ko 4/2005 Legearen arabera sexu-bereizkeriagatik gertatutakoak barne.

Dokumentazio elkarreragilea eta egiaztagarria.

- Urriaren 1eko 39/2015 Legeak, Administrazio Publikoen Administrazio Prozedura Erkidearenak, 28. artikuluan aitortzen du herritarrek eskubidea dutela dagoeneko administrazio jardulearen esku dauden edo beste edozein administraziok egin dituen dokumentuak ez aurkezteko; horrela, administrazio jarduleak dokumentu horiek kontsultatu edo eskatu ahal izango ditu, salbu eta interesdunak horren aurka egiten badu. Administrazio publikoek elektronikoki bildu behar dituzte dokumentuak, beren sare korporatiboen bidez edo datuen bitartekaritza-plataformei edo horretarako gaitutako beste sistema batzuei kontsulta eginez.
- Beasaingo Udala Euskadi Nisae-ko administrazioen elkarreragingarritasun- eta segurtasun-korapiloaren parte da. Plataforma hori komuna da euskal sektore publikoko administrazio eta erakunde guztientzat, eta datu elektronikoen trukea haien artean eta gainerako administrazioekin ezartzeko nodo autonomiko gisa. Horrez gain, Beasaingo Udalak foru sare korporatiboko aplikazioak edo dokumentuak egiaztatzeko eta lortzeko aukera ematen duten beste sistema batzuk erabiliko ditu.
- Deialdi honetan, plataforma korporatiboen, bitartekaritza-plataformen (Nisae) edo sarbide publikoko plataformen bidez egiaztatuko diren betekizunak honako hauek izango dira:

a) Gizarte Segurantzarekiko betebeharrak egunean izatea.

b) Egunean izatea zerga-betebeharrak, Gipuzkoako Foru Aldundiko Ogasun Departamentuarekin egiaztatuko direnak.

Erakunde eskatzailea egiaztapen horren aurka badago, berak aurkeztu beharko du dokumentazioa.

Aurkeztutako dokumentazioa osatu gabe badago, gehienez hamar eguneko epea dago huts horiek zuzentzeko edo nahitaezko dokumentazioa ekartzeko, udalak egindako errekerimendua jakinarazi eta hurrengo egunetik zenbatzen hasita. Horrela egin ezean, eskaria atzera botako da.

Emandako epea igaro eta akatsak zuzendu ez badira, diru-laguntzarako eskabidean atzera egin dela ulertuko da, eta beste izapiderik gabe artxibatuko da eskaera.

BOSGARRENA. OINARRIAK ARGITARATZEA

Oinarri hauek BDNSra bidaliko dira Udaleko osoko bilkurak onartu ondoren, eta ondoren GAOn argitaratuko dira.

Gainera, oinarriak eta deialdia Udalaren webgunean (www.beasain.eus) eta sare sozialetan argitaratuko dira.

Zalantzak edo kontsultak kultura, euskara eta merkataritza azpiarloan argituko dira.

SEIGARRENA. AURKEZTEWKO MODUA ETA EPEA

Epea: Azken eguna, 2024ko irailaren 30a.

Modua:

- Bai argazki bidalketa, bai izen ematea era digitalean egingo da Udalak asmo horretarako espresuki argitaratu duen formularioa erabiliz.
- Web helbidea: www.beasain.eus
- Honakoa eskatuko da: izen-deiturak, NAN, helbide osoa, telefono zenbakia, e-maila, argazkiaren zenbakia, izenburua eta deskribapena.
- Fitxategiaren izena argazkiaren zenbakiarekin hasi behar du eta argazkiaren izenburuarekin jarraitu. Adib:
 - 1_Fiestas del barrio Igartza-Loinatz.jpg
 - 2_Arriarango urtegia.jpg
 -
- Argazki bakoitzak azalpen edo deskribapen labur bat behar du.
- Haurren irudiak baleude eta horiek ezagutzeko moduan azaltzen balira, ezinbestekoa da egile bakoitzak argazkian ateratzen diren 14 urte azpikoen haurren gurasoen, tutoreen edo arduradun legalen baimena idatziz bidaltzea irudi horiek publikatu ahal izateko. Argazkian ateratzen den adingabea 14 - 18 urte bitartekoa bada, adingabeak, berak, idatzitako baimena helaraziko du argazkiaren egileak. 18 urtetik gorakoek ere oniritzia idatziz emango dute argazkiaren egilearen bidez.

ZAZPIGARRENA. EPAIMAHAIAREN OSAERA

Epaimahaiadeak:

- Herritarren arloko zinegotzia delegatua.
- Komunikazioko teknikaria

- Euskarako teknikaria
- “Argizpi” argazki elkarteko kide bat
- “Beasaingo auzoak” gaian aditua edo gaiarekin lotura duen pertsona bat.
- Berdintasun azpiarloko zinegotzi delegatua edo teknikaria
- Kulturako teknikaria, hitza duena baina botorik ez, idazkari lanetan

Beraien erabakia eztaba daezina izango da.

ZORTZIGARRENA. BALORAZIO IRIZPIDEAK

- Eskatutako gaiari lotutako atxikipena eta transmititzeko gaitasuna.
- Originaltasuna eta sormena.
- Inpaktu bisuala eta estetika.
- Kalitate teknikoa, konposizioa, argiztapena, eta estiloa.
- Genero ikuspegia kontuan izatea.

BEDERATZIGARRENA. LEHIAKETAREN EBAZPENA ETA SARI BANAKETA

Jasotako argazkietatik hamabi aukeratuko dira 2025 urtean Beasaingo Udalak argitaratuko duen egutegian erabiltzeko eta hamahirugarrena azalerako. Hamahiru argazki hauek 60na euroko saria jasoko dute.

Alkateak, epaimahaiaren erabakia kontuan hartuta, irabazitako saria emateko eta ordaintzeko ebazpena emango du, eta sariak banatu aurretik jakinaraziko zaie irabazleei.

Epaimahaiaren erabakia Beasaingo Udalaren web orrian argitaratuko da, gainontzeko partehartzaileak eta publiko orokorra jakinaren gainean egon daitezen.

2025eko egutegiaren aurkezpena: 2024ko abenduan egingo da, eta sarituak izan direnak gonbidatuko dira bertan parte hartzera.

HAMARGARRENA. ARGAZKIAK ERABILTZEKO BAIMENA

Beasaingo Udalak, argazkiak erreproduzitzeko, banatzeko eta jakinarazpen publikoan erabiltzeko eskubidea izango du. Egileak, eskubide horiek uztearen truke, inoiz ezingo du lehiaketako sariak gain beste ordainsaririk eskatu.

HAMAIKAGARRENA. JABETZA INTELEKTUALA

Parte-hartzaileak dira oinarri hauetan ezarritako betebeharrak ez betetzearen erantzule bakarrak, eta, ildo horretan, indarrean dagoen legedia hartuko dute kontuan, Beasaingo Udala erru guztietatik salbuetsiz.

HAMAIKAGARRENA. DATU PERTSONALEN BABESA ETA IRUDI-ESKUBIDEAK

Datu pertsonalak Datuak Babesteko 2016/679 (EB) Erregelamendu Orokorrean eta Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoan jasotako datuen babesari buruzko araudiaren eskakizunen arabera tratatuko dira.

Datu pertsonalak tratatzeko legitimazioa interesdunaren berariazko baimenean eta lehiaketaren oinarri arautzaileen onarpenean oinarritzen da (DBEOaren 6.1.a). Halaber, adostasuna kendu ahal izango da, aldez aurretik egindako tratamenduen zilegitasunari eragin gabe.

Parte-hartzaileek beren informazio pertsonalaren egiazkotasuna, zehaztasuna, indarraldia eta benetakotasuna bermatu eta erantzuten dute, eta 3/2018 Lege Organikoak eskatzen duen berariazko baimena lortu izana, aurkeztutako obren irudietan agertzen diren pertsonen dagokienez.

Halaber, parte-hartzaileek bermatzen dute 1/1982 Lege Organikoaren, maiatzaren 5ekoa, ohorerako, norberaren eta familiaren intimitaterako eta norberaren irudirako eskubidearen babes zibilar buruzkoa, eskakizunak betetzen dituztela, eta beren obretan hirugarrenen irudia erabiltzeko legezko baimena eta/edo gaikuntza dutela.

Datuak lehiaketa kudeatzeko beharrezkoak diren bitartean gordeko dira, eta, amaitu ondoren, legeek edo nahitaez bete beharreko arauak ezarritako betebeharrak eta erantzukizunak betetzeko lege ezarritako epeetan, edo agintaritzaren eskudunak, zuzenbidearen arabera, hala eskatzen duenean.

Tratatzen ditugun datuak beharrezkoak dira lehiaketa kudeatzeko, lehiakideekin harremanetan jartzeko eta saria emateko. Ez da erabaki automatizaturik hartuko datuetan oinarrituta, eta ez dira erabiliko pertsonaren profila egiteko.

Datu pertsonalak ez dira hirugarrenei komunikatuko, ezta hirugarren herrialdeei edo nazioarteko erakundeei transferituko ere.

Datuak eskuratzeko, zuzentzeko, ezabatzeko, mugatzeko edo horien aurka egiteko eskubideak baliatu ahal izango dira Beasaingo Udalarik idatzizko eta sinatutako eskaera bat bidaliz honako posta-helbide honetan: Loinazko San Martin Plaza, 1, 20200 – Beasain. Halaber, kontrol-agintaritzaren erreklamazioa jartzeko eskubidea dago.

(<http://www.avpd.euskadi.eus>)

Tratamenduaren arduraduna Beasaingo Udala da. Tratamenduaren arduradunarekin edo datuak babesteko ordezkariarekin harremanetan jar zaitezke (Loinazko San Martin Plaza 1, 20200 - Beasain) edo (udala@beasain.eus).

HAMAHIRUGARRENA. APLIKATU BEHARREKO ARAUDIA.

Deialdi honetan aurreikusita ez dagoen guztirako, Administrazio Publikoen Administrazio Prozedura Erkidearen urriaren 1eko 39/2015 Legea aplikatuko da.

HAMALAUGARRENA. EBAZPENA ETA ERREKURTSOAK.

Deialdi hau administratiboa da, eta, beraz, Udalak ahalmena du hura interpretatzeko eta aplikaziotik edo ebazpenetik sor daitekeen edozein desberdintasun ebazteko.

Oinarri hauen aurka, administrazio-errekurtsua aurkez daiteke Gipuzkoako Administrazioarekiko Auzietako Epaitegian, bi hilabeteko epean, oinarri horiek GAOn argitaratu eta hurrengo egunetik aurrera. Aldez aurretik, aukerako berraztertze errekurtsua aurkeztu ahal izango zaio ebazpena eman zuen organoari, hilabeteko epean, ebazpena GAOn argitaratu eta hurrengo egunetik aurrera.

b.- KONTRATUAREN LUZAPENA: PLAZAPE TABERNAREN USTIAPENA, ONDOKO KOMUN ETA DUTXA PUBLIKOEKIN BATERA ETA PLAZAREN (AZPIA PLAZA ETA ZUBIMUZU) ETA MERKATUAREN DINAMIZAZIOA. 2021BOCU0018

Ezagutzera eman da Herritarrek batzordeko proposamena, hau da:

“

AURREKARIAK:

1. *Dagokion espedientea tramitatu ondoren, 2021eko urriaren 29an, BEASAINGO UDALAK eta ARDOA ETA AZOKA, S.L. enpresak, Plazape tabernaren ustiapena, Beasaingo Udalaren jabetzakoa, ondoko komun eta dutxa publikoekin batera, eta plazaren (plaza azpia eta Zubimuzu) eta merkatuaren dinamizazioa sustatzeko kontratu administratiboa sinatu zuten.*
2. *Kontratuaren egikaritze epea, bi urtekoa da kontratua sinatu eta hurrengo egunetik zenbatzen hasita. Kontratuaren arabera, beste hiru urtez luzatzeko ahalmena du Beasaingo Udalak, beti ere urtez urte.*
3. *2021eko urriaren 29an sinatutako kontratuaren egikaritze epea bi urtekoa izanda, Kontratua 2023ko urriaren 29an iraungiko da.*
4. *Kultura teknikariak 2023ko abuztuaren 23an luzatzearen aldeko txostena egin zuen. ARDOA ETA AZOKA, S.L. enpresari jakinarazi zitzaion kontratua luzatuko zaiola azkeneko jarraipen bileran.*
5. *Herritarren batzordeak kontuan izanik luzapenak bi aldeen arteko espresuki hartutako erabakia eskatzen duela, Plenoari ondorengo erabaki-proposamena egiten dio:*

Lehenik: 2021eko urriaren 29an, BEASAINGO UDALAK eta ARDOA ETA AZOKA, S.L. enpresak sinatutako kontratuaren lehenengo luzapena egitea Plazape tabernaren ustiapena, Beasaingo Udalaren jabetzakoa, ondoko komun eta dutxa publikoekin batera, eta plazaren (plaza azpia eta Zubimuzu) eta merkatuaren dinamizazioa egiteko

Bigarrenik: Luzapena urtebetekoa izango da, 2023-10-30etik kontatzen hasita.

Hirugarrenik: Kontratuaren baldintza ekonomiko bera izango da; hau da, ordaindu beharreko kanona 12.500,00+ BEZ/urtean.

Plazako dinamizazio kulturalaren eta hilabeteroko merkatuaren dinamizazioaren inguruko betebeharrak mantenduko dira.

Laugarrenik: Alkateari baimena ematea kontratuaren luzapena sinatzeko.”

Hitz egiteko txanda eman ondoren, bildutakoek ondorengo iritzia azaldu dituzte:

Eva Alvarez Atanes (Socialistas Vascos-Euskal Sozialistak): “En la comisión informativa ya dimos a conocer las quejas recibidas por la limpieza y estado de los baños. Ahora se propone prorrogar el contrato, previo informe favorable de los servicios técnicos. Siempre se puede recoger en el contrato un mayor cuidado de los baños, ya que son de uso público. Ya se hicieron mejoras con anterioridad a efectuar la contratación. ¡Qué menos que hacer un buen mantenimiento de los mismos!. Es una cuestión importante a tener en cuenta no sólo la prórroga sino también en una próxima licitación.”

Alkate andreak (EAJ-PNV): “Horren inguruan esan jarraipen bilerak egiten direla eta gaur bertan beraiekin egon garela adierazteko momentu zehatz batzuetan komunen garbiketa ez dela guztiz gustatuko litzaigukeena. Beraiek hobekuntzak egiteko konpromisoa hartu dute eta inguruan festa dagoenean edo jende kopuru handia biltzen denean garbiketa hori areagotzeko.”

Bozketa eginda, aho batez onartu da proposamena.

4.- BERRI EMATEA:

Ezagutzera eman dira ondorengo Ebazpenak:

- 2023-07-17tik 2023-09-24ra bitarte emandako Ebazpenak.
- 2023-07-17tik 2023-09-24ra bitarte emandako Ebazpenak kontratu txikiei buruz.

Eva Alvarez Atanes andreak (Socialistas Vascos-Euskal Sozialistak): “En los contratos figura como contratista una empresa (Excavaciones Gainera), a la que se le adjudican cuatro contratos con un objeto bastante parecido: mantenimiento de caminos a caseríos, caminos públicos y aceras, y nuevamente mantenimiento de caminos a caseríos.

Ya está dicho que cuando se repite un mismo objeto y se da a una misma empresa, haría falta una licitación. Queremos saber cómo se ha valorado este asunto. Si se suman las cantidades se excede de lo permitido por el contrato menor.”

Adur Ugartemendia Leunda jaunak (EAJ-PNV): “Interbentzio bat Beatxurreta baserrian egitea edo Andramendi baserrian egitea bi helburu ezberdin dira nahiz eta lan mota berdina izan. Ez dugu inolako arazorik informazioa partekatzeko baina kontzeptu berdina izateak ez du esan nahi helburu berdina denik. Dena dela zehatuko dizuegu zein interbentzio mota diren. Batzordean edo aurretik informazioa helaraziko dizuegu.”

Eva Alvarez Atanes andreak (Socialistas Vascos-Euskal Sozialistak): “El objeto es el mismo aunque la localización diferente. Entiendo que haría falta licitar”.

Hasier Agirre Elkoroberezibar jaunak (Beasaingo EH Bildu): “Horrelako adibideak badaude. Asfaltaketarako lizitazioa egiten da eta herriko toki ezberdinetan gauzatzen da. Ez dakit zein den diferentzia...”

Adur Ugartemendia Leunda jaunak (EAJ-PNV): “Uste dut ezberdindu egin behar direla urtean zehar plangintza baten barruan identifikatzen diren beharrak eta ekintza puntualak. Dena dela xehetasunetan sartuko gara eta aztertuko dugu. Ni orain ez naiz gai esateko.

Hasier Agirre Elkoroberezibar jaunak (Beasaingo EH Bildu): “Beatxurreta eta Andramendi izan badira bide berdina da.”

Adur Ugartemendia Leunda jaunak (EAJ-PNV): “Beno agian beste bide batzuk dira.”

Alkate andreak (EAJ-PNV): “Behar bada ez dira adibide onenak izan baina, nik uste dut kale asfaltaketarako planifikazio bat egiten da datozen urteetan beharrak lehenesteko eta horren baitan lizitazioa ateratzen da. Normalean baserri-bideen mantenua ezbeharrak sortuta izaten dira. Alde horretarik objektuak ezberdinak dira nahiz eta egia izan ea denak udaran egiten direla, eguraldian laguntzen duelako.”

5.- ESKAERA ETA GALDERAK

Eskaera eta galderen honelakoak aurkeztu dira:

ZALDIZURRETAKO ZARATEI BURUZKO KEXAK

Eva Alvarez Atanes andreak (Socialistas Vascos-Euskal Sozialistak): “Ahora en septiembre se han recogido varias quejas de ruidos en Zaldizurreta. No sé si se tiene noticia de ello. No es algo nuevo, pero es una queja de este mes.”

Adur Ugartemendia Leunda jaunak (EAJ-PNV): “Ni momentu honetan ez naiz formalki erantzuteko gai. Begiratuko dugu.”

Angel Redondo Fernández jaunak (Socialistas Vascos-Euskal Sozialistak), adierazi du Ebazpenen zerrendan azaltzen dela eta uztailean ere bazegoela.”

Alkate andreak (EAJ-PNV): “Ebazpenen artean askotariko gaiak daude. Zerbait publikoa ez zaigu iritsi. Kexa bati eman zaion erantzuna izango da, dena dela begiratuko dugu zer den.”

Eta tratatzeko besterik ezean, bilera arratsaldeko seiak eta hogeian amaitu da eta nik, idazkaria naizen honek, akta hau idatzi eta sinatu dut.